

Gvangjsih Minzcuz Bau

Cawjguenj: Gvangsiah Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.4 Ng.12

Liggaeuq gvejmaux nienz nyinh ndwenngaih ngeihgeih

Geizsoq: Gungh daih 3568 geiz

Gih Raeuz Laebdaeb Roengzrengz Banh Ndei Gyauyuz Hawj Yinzminz Muenxeiq

2022 Nienz Gak Hangh Haeujhag Cijbyauh Cienzmienh Daezswng

我区在办好人民满意教育上持续发力

2022 年各项入学指标全面提升

4 nyied 7 hauh, Swcigih Dangi-veij Senhconzbu hai hoih fatboushinhvwnz naeuz, daengz 2022 nienz daej, gih raeuz gij gyauyuz duenh haeuj hag gaxgonq haeuj hag beijlwd、gouj bi yivu gyauyuz baujmaenh youq hag beijlwd、duenh gauhcungh haeuj hag beijlwd、gauhdwnj gyauyuz haeuj hag beijlwd faendied dabdaengz 93%、96.7%、92.9%、53.4%，caeuq 2021 nienz beij faenbied daezsang 0.7、0.2、0.9、1 aen bakfaendiemj, gak hangh cijbyauh ndaej cienzmienh daezswng, caen ndaej coicaenh gyauyuz goengbingz、daezswng gyauyuz caetliengh lailai, roengzrengz banh ndei gyauyuz hawj yinzminz muenxeiq laebdaeb

gyarengz、ngoenz beij ngoenz ndaej raen yaugoj, mienhmauh gyauyuz fatseng bienqvaq hungloet.

2022 nienz, gih raeuz gaenxmaenx caebcomz gak loih ngaenzcienz, hwnq moq gaj coih gya' gvangq hagdangz cungh siujyoz youwzyenz 6533 aen(baez), demlai le gyauyuz swhyenz. Gawjdoengh hengzguh aen gunghcwnz daezswng gyauyuz rangh-dieg henz guek, comz swhyenz ndei doiq 200 aen hagdangz loq nyieg henz guek guh gyauyuz bangfuz, daegbied haeujnaek dajcauh 80 aen hagdangz dou guek. Laebdaeb gyarengz sonlien lauxsae, gak dieg boujcong cungh siujyoz lauxsae 4.1 fanh bous. Caebcomz ngaenzcienz cunghyangh、sw-

cigih 8.25 ik maenz daeuj fat swng-hoz bujcu hawj lauxsae lajmbanj, miz 28 fanh bous lauxsae lajmbanj ndaej lingx aeu.

Bi' gvaq, Gvangsiah youq ndaw daengx guek cizyez yenyau ginwngz doxdax ndaej ciengj 157 hangh, baiz youq daengx guek vih daihgouj. 4 aen "sueng sang giva" laebguh gauhciz yenyau youq ndaw guekgya cungeiz cikyauq bingzgyaq cienzbouh ndaej "youh" daengigaep, ndaej senj baenz daengx guek 5 aen swngj gih cizyez gyauyuz gajgwz cingzyauq mingzyienj ndawde aen ndeu. Gyavaiq hwnqguh aen gih sawqniemh gyauyuz hailangh habguh Cungguek—Dunghmungz, cujeiz 34 aen yenyau

caeuq Dunghmungz cizyez yenyau guh gyaulouz, dem 3 aen Cungh vai habguh banhhag hanghmoeg moq.

2022 nienz, daengx gih gauhyau singhgiz dangj cujeiz miz daengz 80% doxhwnj. Dem moq bwnjgoh conhyezdenj 70 aen, 60 aen conhyez ndaej senj haeuj daengx guek buek daihsam guekgya gaep itlouz bwnjgoh conhyezdenj. Gawjdoengh lwnz moq 63 aen hanghmoeg hwnqguh Gvangsiah itlouz yozgoh. Daengx gih gawjbanh gak cungj ciubinq hozdung 6800 lai ciengz, daezhawj couhnieb gangjvei 144.3 fanh aen, bangcoengh bizyezswng swnhleih couhnieb、caenhvaiq couhnieb.

(Liuz Ginz/刘琴)

Laebdaeb Doicaenh Cunghyihyoz Cuengh Yauz Yihiyoz Hwngfat

Gvangjsih Gihcwnz Cungh-yihgvanj Miz Daengz 97.53%

持续推进中医药壮瑶医药振兴发展

广西基层中医馆覆盖率达 97.53%

4 nyied 10 hauh, aen Hoih Hong Cunghyihyoz Daengx Gih 2023 Nienz ciuhai, gwnz hoih naeuz, 2022 nienz, gih raeuz cunghyih yihliuz fugsah suiibingz mizyauq daezswng, cunghyihyoz engqgya hawj ginzcong ndaej souh'ik. Daengx gih hwnqguh gihcwnz cunghyihgvanj moq 183 aen, gyoebuenq dabdaengz 1421 aen, daengx gih yangh cin veiswngnyen、segi fuzvu cunghyihgvanj miz daengz 97.53%。Ungganq vunzcaiz cunghyihyoz guekgya gaep aeu ndaej cingzyauq moq, dem gozyih daswh moq 1 bous、daengx guek cunghyih okmingz 2 bous, dem moq gunghcozsiz cienzswnj mingz laux cunghyih daengx guek 14 aen、gunghcozsiz cienzswnj mingz laux cunghyihyoz conghyah gihcwnz daengx guek 42 aen. Buek hanghmoeg ndeu ndaej senj haeuj guekgya cunghyihyoz cienzswnj cauhoq cunghyih hanghmoeg ce

bwhcw.

Seizneix caeuq gvaq laeng donh seizgan ndeu, gih raeuz yaeq engq fazveih gij ndei cunghyihyoz Cuengh Yauz yihiyoz, doicaenh laebguh aen gihdi cunghyih fuengzyw binghraquekgya、aen duivuj cunghyih fuengzyw binghraquekgya caeuq aen duivuj yihiyoz gaeuqy gaenjaep, gyagiengz laebguh daengx gih 70 aen ngeih gaep cunghyih yihiy mwnzcinj fatndat、aen goh binghnaek、aen goh binghlah、aen goh caengz bingh sien yw gonq daengj gohsiz, hawj yienh gaep cunghyihyeng engq rox fuengzyw binghlah. Cimdoiq bouslaux、lwgnyez、bousbinghnaek gyarengz yenzgiu fuengzyw, sonyinx gak dieg guh ndei hongh yungh yw cunghyih.

Doengzseiz dingjmaenh cungh sihyih cungj yawjnaek, doidoengh cunghyihyoz caeuq sihyihyoz dox boujcong、dox boiqhab fazcanj.

(Lij Yinh/吕欣)



Denzyangz Gih Banh Cietvwnzva Hawfwen Hawnganx Gaiq Daih'it

田阳区举办首届壮安歌圩文化节

4 nyied 7 hauh, Denzyangz Gih youq Denzcouh Gujcwnz banh Cietvwnzva Hawfwen Hawnganx Gaiq Daih'it, guh eufwen baijyienj、doxdax eufwen、langhbaij fungsug vwnzva Bouxcuengh、vwnzyi vanjvei daengj hozdung.

Denzyangz Gih cujeiz gak fueng canghfwen daeuj guh cietvwnzva hawfwen, dwg vihliux coi hawj minzcuz doxgiet, mboujduenh bangrengz guhhoengh lajmbanj.

(Vangz Gozsun/黄国顺)